

广东通志

广东通志

廣東通志卷三百四

甲子重刊

列傳三十七 南雄

梅鎬 庾勝漢

張偲 梁

譚瑱 陳

麥鐵杖 子孟才隋仲才

張宏雅

張九齡 子極

張九皋

張九章 九賓

張仲方

張採

孔閏 以上唐

楊洞潛 南漢

許彥先 許致許彥博

許安世許牧

徐信 張漸

譚佺 粹銳拚煥

鄧戒 弟闢

鄧酢



劉藻

黃瑄

王介

陳公祐

弟汝賓 裔孫禮恭 迪恭 勝恭

演恭

馮應之

梁滿

邱必明

以上宋

麥文貴

元

甘友信

禡明德

陳德文

朱子福

蕭守中

蔡愈濟

葉孟昭

馮學明

李彙

李孜

陳彥暄

陳進

王文欽

陳昇

陳爵

譚大初

鄧必昌

彭憲祖

弟懋祖

汪一豐

裴唐

朱燦然

汪桴

李維喬

賴綵

陳王政

羅學伊

以上明

葉增

黃自升

譚宗祥

郭凌霄

何宗昌

歐陽霖雨

葉榮昌

胡定

鍾標

陳萬德
鄧陞

張得明

吳自貴

賴華勝等

李文龍

楊裕彬

朱占魁

張明陞

歐嘉賢

劉理堯

以上

國朝

漢

梅謁其先越王勾踐子孫避楚走丹陽皐鄉更姓
梅因名皐鄉曰梅里周末復散居沅湘及秦并六
國越復稱王自皐鄉遂踰零陵至南海謁從之至
臺嶺家焉百越先賢志秦亂番禺令吳芮甚得江湖間
民心號曰番君因率越人舉兵以應諸侯沛公攻
南陽迺遇芮之將梅謁與偕攻析酈降之及項羽
相王以芮率百越佐諸侯從入關故立芮爲衡山
王都邾其將梅謁功多封十萬戶爲列侯項籍死

上以絹有功從入武關故德芮徙爲長沙王都臨

湘絹旣封爲列侯食臺以南諸邑謂之臺侯

案臺侯見

黃志郭志粵大記及百越先賢志而漢書史記俱無明文

秦亡時百越皆叛衆

皆賢絹故推爲雄傑長乃下令舉兵戶出壯士一

人領以戶將使合傳胡害將之戰則編爲什伍領

以隊將使搖母餘將之將士受命整肅均齊遂統

其衆歸芮畱其將庾勝兄弟居守臺嶺乃行故梅

嶺又謂之大庾嶺

其東四十里曰小庾嶺在南雄城北六十里勝弟所居見南雄

志 絹子孫多居曲江湏陽代有顯者

黃志 宋進士梅

鼎臣蓋其後云

郭志

梁

張偲始興人

郭志作曲江人

多智有勇力侯景亂郡太守

陳霸先起兵入援偲與侯安都各率千餘人歸之

破蔡路養走之又殺李遷仕其後霸先與景戰于

石頭城西落星山偲率鐵騎衝陣大破之梁元帝

承制授江州刺史

黃志

謹按新唐書宰相世系表始興張氏子虔

之子宏雅宏矩宏載宏顯而宏載次子處

茂處茂三子緘緘之子名偲豈別有一張

偲歟

陳

譚瑱始興人世爲郡著姓至瑱頗讀書知大義兼

有膂力侯景之亂稍集智勇以衛州邑衆推爲戎
主時曲江譚世遠附於刺史蕭勃欲以族子舉之
瑱見世遠瞻視無常知其必叛遂謝絕而還曰瑱
實非賢宗恐貽伊恥後勃果爲世遠所害世服其
知人陳初直桂陽郡外兵留異以縉州叛瑱從侯
安都破之于桃枝嶺以功拜假節雲旗將軍會陳
寶應復以閩叛異往歸之瑱帥舟師討之陳文帝
天嘉五年俘應寶于晉安併擒異送都以功擢本
郡太守其孫誨爲循州司馬擇婿得張九齡爲唐

名相

同上

隋

麥鐵杖始興人也驍勇有膂力日行五百里走及奔馬性踈誕使酒好交遊重信義每以漁獵爲事不治產業陳大建中結聚爲羣盜廣州刺史歐陽頎俘之以獻沒爲官戶配執御傘每罷朝後行百餘里夜至南徐州踰城而入行火光火劫盜旦還及時仍又執傘如此者十餘度物主識之州以狀奏朝士見鐵杖每旦恆在不之信也後數告變尙書蔡徵曰此可驗耳於仗下時購以百金求人送詔書與南徐州刺史鐵杖出應募齎敕而往明旦及奏事帝曰信然爲盜明矣惜其勇捷誠而釋之陳亡後徙居清流縣遇江東反楊素遣鐵杖頭戴草

東夜浮渡江覘賊中消息具知還報後復更往爲
賊所擒逆帥李稜遣兵仗三十人衛之縛送高智
慧行至虔亭衛者憩食哀其餒解手以給其餐鐵
杖取賊刀亂斬衛者殺之皆盡悉割其鼻懷之以
歸素大奇之後叙戰勲不及鐵杖遇素馳驛歸于
京師鐵杖步追之每夜則同宿素見而悟特奏授
儀同三司以不識書放還鄉里成陽公李徽稱其
驍武開皇十六年徵至京師除車騎將軍仍從楊
素北征突厥加上開府煬帝卽位漢王諒反於并
州又從楊素擊之每戰先登進位柱國尋除萊州
刺史無治名後轉汝南太守稍習法令羣盜屏跡

後因朝集考功郎竇威嘲之曰麥是何姓鐵杖應
口對曰麥豆不殊那忽相怪威赧然無以應之時
人以爲敏慧尋除右屯衛大將軍帝待之逾密鐵
杖自以荷恩深重每懷竭命之志及遼東之役請
爲前鋒顧謂醫者吳景賢曰大丈夫性命自有所
在豈能艾炷炙頸瓜蒂歆鼻治黃不差而臥死兒
女手中乎將度遼謂其三子曰阿奴當備淺色黃
衫吾荷國恩今是死日我旣被殺爾當富貴唯誠
與孝爾其勉之及濟橋未成去東岸尙數丈賊大
至鐵杖跳上岸與賊戰死武賁郎將錢士雄孟金
叉亦死之左右更無及者帝爲之流涕購得其屍

下詔曰鐵杖志氣驍果風著勲庸陪麾問罪先登
陷陣節高義烈身殞功存與言至誠追懷傷悼宜
資殊榮用彰飾德可贈光祿大夫宿國公諡曰武
烈子孟才嗣尋受光祿大夫孟才有二弟仲才季
才俱拜正議大夫贈贈鉅萬賜輜輶車給前後部
羽葆鼓吹平壤道敗將宇文述等百餘人皆爲執
紼王公以下送至郊外士雄贈左光祿大夫右屯
衛將軍武強侯諡曰剛子傑嗣金义贈右光祿大
夫子善誼襲官孟才字智稜果烈有父風帝以孟
才死節將子恩賜殊厚拜武賁郎將及江都之難
慨然有復讐之志與武牙郎錢傑素交友二人相

謂曰吾等世荷國恩門著誠節今賊臣弑逆社稷
淪亡無節可紀何面目視息世間哉於是流涕扼
腕遂相與謀糾合恩舊欲於顯福宮邀繫宇文化
及事臨發陳藩之子謙知其謀而告之與其黨沈
光俱爲化及所害忠義之士哀焉

隋書
本傳

謹案鐵杖保昌百順人隋書稱始興人其
時保昌統於始興也唐末始析置韶州始
興屬考南雄保昌二志現有百順司百順
都其祠與墓猶在子孫世居之且通鑑綱
目註與舊縣志皆稱保昌人似宜正焉太
平廣記云嶺表錄異稱鐵杖爲韶州翁源

人不知所據黃志又云鐵杖墓在保昌百
順都仁山之下府志邑志俱無仁山之名
今曲江縣志又言墓在韶石韶石山在曲
江城北四十里恐附會

唐

張宏雅始興曲江人其先家范陽方城曾祖守禮
祖君政父子虔高宗顯慶四年嶺南帥府舉宏雅
明經填帖皆中首得及第粵俗自是霏霏多經學
之士矣弟三人宏矩洪州都督府參軍宏載端州
錄事宏顯戎城令

黃志

始興張氏出自晉司空華之後隨晉南遷至君

政因官居於韶州曲江守禮隋塗山丞生君政
韶州別駕六子子虔子胄刻令子卿子冲子暮
子猷子胄生宏愈宏愈生九齡九舉九章九賓

新唐書宰相世系表

張九齡字子壽一名博物曾祖君政韶州別駕因
家於始興今爲曲江人父宏愈以九齡貴贈廣州
刺史九齡幼聰敏善屬文年十三以書于廣州刺
史王方慶大嗟賞之曰此子必能致遠

會張說謫嶺南一見

厚遇之居父喪哀毀庭中木連理

登進士第應舉登乙第拜校書

郎元宗在東宮舉天下文藻之士親加策問

以道侔伊

科九齡對策高第遷右

新書左

拾遺時帝未行親郊

之禮九齡上疏曰伏以天者百神之君而王者之所由受命也自古繼統之主必有郊配之義蓋以敬天命以報所受故于郊之義則不以德澤未洽年穀不登凡事之故而闕其禮孝經云昔者周公郊祀后稷以配天斯謂成王幼冲周公居攝猶用其禮明不暫廢漢丞相匡衡亦云帝王之事莫重乎郊祀董仲舒又云不郊而祭山川失祭之序逆於禮正故春秋非之臣愚以爲匡衡仲舒古之知禮者皆謂郊之爲祭所宜先也伏惟陛下紹休聖緒其命維新御極以來於今五載旣光太平之業未行大報之禮竊考經傳義或未通今百穀嘉生